

是妙法歡喜踴躍得未曾有而白佛言大悲
世尊善為我等分別演說大乘法要令我等
輩深生信解愛樂修學若諸眾生為求無上
最勝大乘不惜身命捐捨舍宅資財寶物及
諸眷屬飲食衣服牀敷則貝花瓔瓔珞末香
塗香及以種種諸供養具我等今者皆願學

十六

十七

彼諸菩薩人求無上乘修菩提行不惜身命
及諸眷屬上妙珍寶資生之具布施供養及
行菩薩諸波羅蜜惟願如來應正等覺為我
等輩攝受證知令不忘失今時世尊告巨力
長者并諸長者言汝等諦聽若有眾生為求
菩提悲愍有情雖復布施不求富貴雖復持
戒不求端嚴雖復忍辱不求眷屬雖復精進
禪定智慧為愍眾生求無上乘不為世間輪
迴因果若有眾生利根智慧了達世間色身
五欲生滅幻化但有假名無實體性觀其身
相如胎濕化假和合成如沫如泡乍生乍滅
眾生妄念謂得久居復觀此身由如陽焰本

無實躰從渴愛生妄情為水亦如芭蕉體無
堅實今此身者畢竟是幻從顛倒生虛假浮
脆亦如曠野空無所有亦如行廁穢污充滿
一身九竅常流不淨亦如穢井滿中臭惡深
可厭惡又如冤賊亦如毒蛇甚不可愛五欲
煩惱由若瀑流漂溺有情入生死海汨沒流
轉難有出期汝等今者親近如來學菩薩行
欲離世間五欲塵勞色身敗壞一切不堅求
於無上最勝大乘漸次修習諸波羅蜜欲證
解脫甚為難得

佛說巨力長者所問大乘經卷上 士六

佛說巨力長者所問大乘經卷中 士七

西天同譯經三藏寶法大師賜紫沙門目智吉祥等奉詔譯

今時世尊復告巨力長者及諸長者言汝等
宿植善本信根堅固欲學菩薩摩訶薩所修
之行伏斷障染求證菩提應當觀彼諸有情
類從無始來輪迴流轉受苦報身經歷多生

十七

一

胡

不可限數而此色身無有堅實如幻如化是諸有情顛倒妄念構造業因外藉眾緣積集成就如水為冰及如聚沫五蘊四大先業為因招感勢力積集諸種任識藏中假彼父母情愛和合貪喜俱極最後各出濃厚精血號羯羅藍識依於彼最初而住以至後時精血

交結不淨凝成處於胎中所歷諸位業風內吹肢相增長由業勢力漸漸所資色身四大諸根具足心識煩惱亦共俱生既離胎胞外風所觸楚痛發聲於一切境不能明了風緣動轉有出入息飲噉母乳結生便利心識現行生諸分別耽眾食味資益諸根皮膚血肉

腸胃骨髓髮毛爪齒涕唾便利身形肢體好醜之相從自業因受諸異報貪瞋癡慢煩惱隨逐於寃親境妄生違順五欲色相縱意染著於業報身復增業報密近惡友踈慢尊親於菩薩人及真實法心不愛樂亦不餐採恣任愚癡造作諸惡嗔恚暴害諂曲嫉妬忿戾

鬪諍捶打罵辱損惱有情於男女色橫生染著如繩縛物不相捨離於自身相不念無常謂得長時永無殞謝於諸資財及以珍寶多求積聚而無厭足塵勞垢染覆蓋心識不修智慧增長無明不覺世間男女色相及以自身五根四大雜染所起由顛倒緣墮不淨處

皮膚血肉髮毛爪齒本無自相從彼貪愛結業所生流轉輪迴因緣不斷生死苦果無暫停息煩惱業火燒逼身心於晝夜時未嘗安適愚盲闇鈍懈怠放逸不樂菩提違背聖道於自心垢不求清淨身常倨傲心意貢高誣謗因果輕毀賢善於有為相虛幻空法不覺

不知如是無智諸有情類麤生死海無有出期汝諸長者於如是事應悉覺悟了知色相瓊玩資具男女眷屬假緣而有相會暫時眷念方隆已歸磨滅五蘊身相本性皆空由諸妄因受諸異報如夢中人歷種種事覺已皆空都無所有是故菩薩摩訶薩志求阿耨多

羅三藐三菩提於諸色相覺悟解脫障染輕微智惠明了雖發大願往諸趣中受種種身為化衆生心無顛倒如是乃至徧十方刹隨順衆生作諸事業布施軟語利行同事方便攝受饒益有情捨邪見家入於正道修諸善行同趣大乘遠至菩提誓無退屈善男子善

薩摩訶薩為求阿耨多羅三藐三菩提身心清淨得四總持於名句義印忍不忘諦審思惟達彼真實諸法自性菩薩摩訶薩身心清淨於諸有情平等任持不生冤親憎愛分別菩薩摩訶薩身心清淨不著世間上妙美食唯餐法喜禪悅之味菩薩摩訶薩身心清淨

觀諸世間一切有為生滅之相皆是虛妄無有真實菩薩摩訶薩身心清淨孝養父母敬順師長承受教誨無輕慢心菩薩摩訶薩身心清淨生於上族為大國王正法化民息除闢諍菩薩摩訶薩身心清淨遠離暴害屠兒魁膾諸惡律儀梅陀羅行少欲知足無不與

取常修梵行絕愛染心菩薩摩訶薩身心清淨言語真實離於虛妄音聲清徹令人樂聞說法如泉流注不斷菩薩摩訶薩身心清淨善能調伏貪嗔癡等於三有果心不染著苦法資具亦不捨離智惠現前心常明了菩薩摩訶薩身心清淨四等六度晝夜修習乃至

十七

三

長時無少疲倦八萬四千煩惱塵勞一一對治生諸功德菩薩摩訶薩身心清淨不著菩提不厭生滅於諸法中心得自在或入流轉或證涅槃菩薩摩訶薩身心清淨於今佛說最上大乘深生愛樂及能憶念過去諸佛甚深經典任持不忘亦能宣轉諸佛法輪如火

江河流注無盡菩薩摩訶薩身心清淨遠離諛曲憍慢嫉妬惡獸毒蟲畢舍遮行慈愛有情不生損惱菩薩摩訶薩身心清淨不貪資具不念飲食不捨貧乏及與孤露所生之處資財豐足眷屬成就身相端正有大威德菩薩摩訶薩身心清淨於一切樂無不了知於

一切苦無不解脫生老病死親愛別離所欲
 難得仇讎會遇眾苦現前悉能曉了不為惱
 觸觀諸有情及以色相如夢如幻無有堅固
 汝諸長者隨其所聞當如是知諸大菩薩身
 心清淨四大五蘊色身空聚畢竟非實
 尔時世尊復告巨力長者等言善男子如是

菩薩摩訶薩於生死界其所愛身為緣有情
 示現形相無有希求於種種境遠離愛染身
 心平等無取無捨常作善事利益安樂饒益
 眾生未嘗懈廢所有壽命於三界中或增或
 減隨順眾生所樂差別為令覺悟心無所欲
 於諸眾生平等一觀於諸世中上妙珍寶受

用之具金銀庫藏錢財穀米衣服飲食牀榻
 卧具塗香末香花鬘瓔珞采女眷屬一切世
 間種種上妙嚴飾之具於自所有色身壽命
 而是菩薩摩訶薩悉無愛戀若有眾生而來
 求乞錢財穀米金銀庫藏珍妙之物衣服飲
 食牀榻卧具塗香末香花鬘瓔珞男子采女

内外眷屬色身壽命悉皆能捨未嘗有心於
 刹那頃暫生慳悋何以故是菩薩摩訶薩久
 悟虛幻於生滅相而無染著為欲圓滿六波
 羅蜜到於彼岸度脫眾生亦離苦際是故於
 此生滅因緣虛幻境相唯求遠離無心取著
 故無悵惜善男子當知菩薩摩訶薩如是修

十七

四

行六到彼岸微妙勝行精進長時無少懈怠
 即當速得成就無上正等菩提永契真常心
 無退轉尔時世尊為諸長者重宣此義而說
 偈言

善哉長者 汝等當知 是菩薩人
 於生滅法 種種身相 種種壽命

嚴飾之具 采女眷屬 為欲圓滿
 六波羅蜜 轉化眾生 遠離苦際
 於此所有 皆不愛著 汝善男子
 歡喜諦聽 於菩薩行 當勤修習
 勿以貪嗔 煩惱繩索 晝夜繫縛
 淪墮三塗 無有休息 汝善男子

是身猶如
常令清淨
叅諸上味
及與壽命
煩惱毒藥
損壞法身
飲食之器
諸惡毒物
若有飲噉
身中若有
叅諸法味
及與惠命
內外之間
不令入中
損壞色身
貪嗔癡等
衆生飲噉
汝善男子

一切衆生
如彼嬰兒
於諸境相
由因感果
心常癡暗
常處夢中
無始時來
但念乳食
不能分別
果復造因
唯貪飲食
而無醒覺
少有智惠
餘無知見
生滅過患
智不現前
資益四大
於佛教法

心無修習
於五欲境
唯增苦惱
縱無明流
受諸業報
遠於彼岸
猶如醉人
未嘗遠離
愁憂積集
入生死海
飢寒困苦
不能解脫
言無義味
晝夜邪思
身心放逸
漂沉汨沒
羸瘦憔悴
此諸衆生

從久遠來
不能覺悟
汝諸長者
無有堅固
生死輪迴
無解脫時
於自真心
故於幻境
當知已身
但由業力
受諸異報
智者觀之
塵惑所昏
貪愛染著
假因緣成
造作招集
循環遠劫
深心厭捨

凡夫愚昧
專自逸樂
身壞命終
受諸苦惱
諸佛大悲
亦難救護
不念無常
不親善友
當墮地獄
大火逼身
哀愍世間
智者自知
著我著人
自構業緣
輪轉三界
逃竄無地
自無信心
色身虛幻

無有真實
根塵大種
如沫如泡
何所愛著
作不淨觀
趣不壞身
但由業因
和合積聚
畢竟無體
是故當知
深生厭離
遠離衆惡
之所招集
假名為身
膿血敗壞
於此聚中
勤修聖法
近善知識

信最上乘	修菩提行	廣修福惠
生佛國中	身心安樂	清淨無畏
以微妙衣	及上飲食	牀榻卧具
花鬘瓔珞	無價寶香	種種資具
充足無乏	以清淨心	歡喜供養
慚愧勝解	希除罪業	增長福智
如是之人	百千劫中	於無上乘
發生信解	漸以覺悟	實性真空
本來寂靜	如海湛然	無有增減
雖遇風緣	水成波浪	即波為水
動靜一源	如是了知	任佛境界
不生惡趣	漸息輪迴	百千俱胝
那庾多劫	明了心地	貪嗔癡慢
煩惱業因	而不現行	雜類苦果
自然不受	色身堅固	經無量時
歡喜快樂	心無邪念	亦無妄想
於顛倒境	常生思惟	善說法要
利益衆生	自無病行	令他亦無

適悅調順	安隱快樂	深入禪定
離諸苦縛	常以善行	守護衆生
不作惡緣	親近智者	稱揚如來
最勝妙法	恭敬讚嘆	踴躍奉行
觀諸世間	有為事相	皆如幻夢
無一真實	了知飲食	色力壽命
煩惱苦本	愚夫無知	耽染愛著
無一刹那	暫時間斷	味諸飲食
增長過失	善友教誨	心不信受
遇惡知識	密近隨逐	深入愚癡
不能覺悟	於諸塵境	妄想執著
晝夜無時	染諸娛樂	智者觀之
深生厭捨	又諸世間	色相幻惑
畢竟衰謝	妻子男女	眷屬因緣
如行路人	暫時而會	因緣報盡
恩愛別離	難以刹那	相戀而住
汝諸長者	當知幻身	辟如畫師
繪來色相	好醜雖成	畢境當壞

又如冬月 積水為冰 堅厚暫時
終溶成水 所以者何 色相虛幻
體性非實 而愚癡人 隨境生貪
染著愛樂 心既顛倒 造不善因
淪墮三塗 愛種種苦 經於長劫
無有出期 設生人天 耽諸快樂

由此幻身 造作惡業 無有窮盡
如是癡人 常為結使 冤家魔嬖
妻子男女 父母眷屬 繫縛在心
未嘗捨離 晝夜之間 為彼纏縛
妄認為樂 實是苦因 恣任三毒
增長憍慢 如是之人 違背善緣

不生智惠 造作無邊 諸不律儀
於諸眷屬 父母妻子 珍寶飲食
生苦法中 心無厭足 不思想離
耽染愛著 多求財寶 積集庫藏
見諸貧窮 飢餓眾生 無憐愍心
拯濟困厄 不行正道 邪念增彊

智人教示 不能聽受 故處輪迴
汝諸長者 人之色身 譬如大樹
根莖枝葉 悉皆繁茂 久無濕潤
土地乾亢 為日所炙 脂脉皆盡
不經歲月 必當枯朽 一切眾生
盛年壯色 身相充滿 貪著世間

縱五欲樂 筋血衰耗 病苦所侵
形兒憔悴 諸根衰謝 不得久停
終歸塵滅 如是癡人 愛著色身
貪諸財寶 不知罪福 不念無常
如樹枯朽 不久摧壞 汝諸長者
觀此幻身 及被資生 金銀瑠璃

真珠摩尼 碑砮瑪瑙 珊瑚琥珀
體無真實 猶如聚沫 愚者迷情
妄生貴重 但增貪欲 雜亂正心
於佛法門 無所趣入 智者了知
色身資具 一切皆如 夢所見物
都無自相 防護六根 閑於五欲

親近三寶 行施等行 息諸慳悋
 絕愛染心 觀彼諸欲 如大火聚
 燒煮衆生 甚可怖畏 不應戀著
 佛說巨力長者所問大乘經卷中 十七

松江府上海縣長人鄉十六保循涇水東居奉

佛弟子吳鎔 同妻周氏 力娘施鈔壹定刊雕

大藏秘密經文一卷以此功德用申祝獻

諸天三界家堂香火當生己未本命星君乞求

聖力保庇家居吉慶長幼安寧九在時中吉祥如意者

未佛成道日

謹願

佛說巨力長者所問大乘經卷下 十八

西天同譯經三藏寶法大師賜紫沙門巨智吉祥等奉 詔譯

佛告長者 是諸衆生 於多劫中
 積集諸法 謂貪嗔癡 見慢疑等
 於諸欲境 觸向迷著 於晝夜時
 曾無間斷 寂滅靜慮 未嘗修習

十八

生死苦源 亦不觀察 不了世間
 生滅之相 無有自體 畢竟歸空
 但由貪愛 積集成種 假因緣生
 和合似有 因緣勢盡 復歸散滅
 由本無明 復生貪愛 本末相續
 如蟻循環 於出世間 真實理中

諸佛菩薩 清淨境界 無有片心
 愛樂趣入 如是之人 愚癡所覆
 於生死海 流轉漂沒 五塵幻相
 深心染著 醉亂顛倒 終無醒覺
 若有衆生 善根成熟 自然親近
 諸善知識 心常修習 行二利行

於諸增上 補特伽羅 能說法者
 發希有心 愛樂恭敬 不生憍慢
 於佛功德 甚深微妙 不思議境
 無疑無謗 亦不於諸 五塵境中
 虛妄迷執 起於貪愛 不作衆罪
 生滅苦因 晝夜精勤 思惟諦實